



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

4. Regula ut Lex Recta sit oportet.

[urn:nbn:de:hbz:466:1-46065](#)

Nomocanonem inscripsit : sicut apud Latinos Fulgentius, benè credendi Canonem, vocavit Regulam veritatis, scribens de fide ad Petrum. Denique apud Religiosos usitatum est , ut leges instituti sui & Constitutiones de modo religiosè vivendi, vocent Canones vel Regulas: ut ostendit Iulius Nigrinus , Commentarius in Regulas Communes Societatis. Haud male igitur nobis illud positum videri debet quod Architecti Christiani Regula sit Lex. Id autem fiet manifestius, si Regulæ architectonicæ proprietates & munus Legi commodaverimus.

(a) S. Fulgent., lib. de fide ad Petr.

ARTICULUS IV.

REGULA UT LEX

Recta sic oportet.

PRIMA Regulæ , qua Architectus utitur, proprietas est Rectitudo, quæ tam illi est propria, ut nomen appetit regula ex eo, quod sit recta , sic dicta quasi Recta & impedimentum non habens, ut scribit Isidorus in originibus. Et sanè, rectum oportet esse instrumentum quod distortorum parietum ceterarumque rerum longitudinibus tribuit rectitudinem. Eodem dicit originatio, quæ est apud Bedam (b) & Damianum, (c) dicta Regulam à regendo, id est, dirigendo , & corrigendo quia quod distortum prauumque corrigit, & antequam sit distortum, dirigit. Hoc sensu sumitur Regula in factu.

(a) Isidor. lib. 19. Orig. cap. 18. (b) Beda Comm. in Boët. de Tr. Tem. 8. (c) Dam. epist. 114. ad Marin. (d) Isid. lib. 6. ca. 16.

Codice, dum agitur de architecturâ Templi Salomonici, quæ fuit Domus Sapientiæ. lib. tertio Regum cap. vi. Operuit omnia laminis aureis opere quadro ad regulam.

REGVLA Architecti effectrix est rectitudinis per applicationem sui. Itaque ipsa imprimis sit recta oportet. Propter quod unumquodque est tale, illud maximè est tale, inquit Philosophus. Unde Seneca Epist. LXXI. comparans Virtutem cum Regula, sensu Stoico, secundum extremum rigorem, scribit, nec remitti, nec intendi posse: non magis, quam Regulam, quam rectum probari soleret. Quam, inquit si flectas, quicquid ex illa mutaveris, injuria est redditus. Idem de Virtute dicemus. Hæc recta est, flexuram non recipit: rigida est, amplius intendi non potest. Hæc de rebus omnibus judicat: de hac nulla. Similiter ferè modo differit, tū de Virtute, tum de Regula S. Gregorius Nazianzenus Orat. 26. num. 7. & docet corrumpi Regulam, si quid vel addatur, vel subtrahatur, cùm neutrum sine detimento rectitudinis contingat. Sic quoque S. Chrysostomus. hom. 12. in epist. ad Ephes. Regula, inquit, nec addisibi quicquam, nec demi sustinet: alioquin hoc ipso, quod regula est, amittit. Nam regere vel dirigere amplius non potest, fallit artificem, depravat fabricam, & est causa ruinæ, postquam extuctum fuerit, ædificio, ut monet Isidorus, loco superius indicato. Complectitur hæc omnia versiculis libro IV. Lucretius Philosophus & Poëta, Architecto morali frequenter repetendis.

Denique, ut in fabrica si prava est Regula prima,
Norma quæ si fallax rectis regionibus exit,
Et libella aliqua si parte claudicat hilum,
Omnia mendose fieri, atque obstipa necessum est.
Prava, cubantia, prona, supina, atque absonta tecta.
Iam ruere, & quoniam videantur velle ruantque
Prodita judicis fallacibus omnia primis.

CETERVM, Rectitudo non magis Regulæ converit quām Legi: Lex enim omnis, si quidem Lex nominatur mereatur, recta est. Considera Legem Æternam, & Naturalem; Divinam & Humanam, in singulis invenies fallibilem, inflexibilemque rectitudinem. Lex Æternæ dicitur, vel quævis Regula practica, ac æternæ veritatis ad quam naturaliter obligamur. Ut, DEUM esse colendum: parentes honorandos: nemini faciendam injuriam. Sunt enim istæ Regulæ omnino immutabiles, a proinde æternæ. Vel vocatur Lex æterna Menti divisionis actus quidam, quo concipit & judicat Regulas illas servandas esse à creatura, cum voluntate eam obligandi. **L**ex Naturalis est participatio quædam, ut loquitur S. Thomas, 1.2.q. 91.art. 2. *Legis æternae in creatura rationali.* Siquidem Lex æterna extendit se ad omnes creaturas, rationales, quām irrationales, sicut etiam Providentia divina. At Lex naturalis ad solam creaturam rationalem. Et, si hominem spectes, est actus mentis humanæ, quonos naturali instinctu judicamus Regulam æternam nobis præscriptam observari debere. Continet autem Lex naturalis alias plures Regulas, ad quas dirigendas sunt actiones: duas vero potissimum, & maximè generales: Bonum esse prosequendum: Malum fugiendum. In his continetur illæ aliæ: DEUM colendum: parentes honorandos: vitam propriam conservandam: justitiam & amicitiam cum proximo colendam. Item, DEUM non blasphemandum: parentes non contemnendos: propriam vitam non prodigandam: non metuendum: non furandum: homicidium, adulterium aliaque peccata non admittenda. Vno verbo. Alteri non faciendum, quod tibi non vis fieri. Denique, eodem spectant omnia precepta Decalogi, & iis annexa.

Præter hactenus dictas Leges, est alia, quæ appellatur

(a)

latur POSITIVA: & est, aut DIVINA aut HUMANA. Di-
vina, vel Instrumenti Veteris, quæ vocatur Mosaica; vel
Novi Testamenti, quæ Evangelica: aut *Lex Vetus & No-*
va. Vetus illa cum habuerit præcepta Moralia, Ceremo-
nia, & Judicialia; non est amplius necessaria Regula
Architecturæ Christianæ, nisi quoad Moralia, quæ De-
calogo continentur, & sunt quoad substantiam, Iuris
naturalis. Lex Evangelica à Legislatore Christo lata cō-
pleteatur Præcepta moralia, Sacramentalia, Fidei. Ad
eam autem tenentur omnes Christiani structuram suam
accommodare, & ædificium virtutum erigere.

Lex Humana vel est Ecclesiastica constituta à Prælatis
Ecclesiæ, quibus est potestas condendi Leges; vel Politici
vel Cirilis. Utriusque generis, aliæ sunt Communes
pro omnibus, ut plerisque: aliæ uni, vel alteri Provin-
ciæ, Reipublicæ, Communitati propriæ. Immò, nulla
est Societas, nullum contubernium benè constitutum,
nullus hominum cætus, qui leges suas non habeat. Quæ-
libet autem est Regula Architecti Christiani, ac proin-
de quælibet recta: nam hæc est prima & potissima Re-
gulae architectonicæ proprietas. De reætitudine quidem
Legis æternæ ac Divinæ ambigere esset impium. Lex au-
tem Humana omnis, si quidem vera Lex sit, tum ad re-
am Rationem, tanquam ad Regulam conficitur, tum
ad Legem naturalem ac divinam directa conformata-
que est, unde derivatur, ut ex D. Augustin. (a) cū S. Tho-
ma (b) docent Scholastici. Neque affectus ac perturba-
tiones, quæ depravant, & distorquent animum hominis
in effectione legis locum habent, ut ostendit Aristote-
les: (c) quoniam Lex à recta Ratione procedit, & confi-
cit de rebus futuris, atque universalibus, quæ non
commovent affectus, quemadmodum res singulares ac

M m 5 præ-

(a) lib. de lib. arb. cap. 5. 6. (b) 1. 2. q. 93. art. 3. (c) lib. 1. Resh. cap. 2.

præsentes. Quare ab eodem Philosopho dicta est Lex,
Mens absque appetitu. Et à Marco Tullio sæpe definitus,
Recta ratio à Numine Deorum tracta, imperans honesta, & præ-
hibens contraria.

(a) Cic.lib.1.de Leg. & Philip.2.

ARTICVLVS IV.

REGVL A ARCHITECTONICA

*Rectum & Distortum ostendit: haud secus Lex Bonum &
Malum demonstrat.*

REGLÆ Architectonicæ proprietas altera, pri-
rem consequens, est, ut per eam in rebus aliis, qui-
bus admovetur, rectitudo, aut pravitas. Rectum, & Re-
gula, quæ rectissima esse debet, ut nomen suum tueatur,
est judex sui & obliqui. Quod docuit Aristoteles, & af-
seruit S. Hieronymus: ille lib. 1. de anima, hic in cap. vi.
ad Galatas. Et experitur quotidie Architectus, cui, si pa-
rieti recto planoq[ue] Regulam suam applicet, & qualiter
ejus innotescit: si distorto, prono, gibbero admoveatur
gibbus, ac pravitas deprehenditur & appareat. Idem si-
cit Lex in moralibus: nam est justorum & injustorum dis-
tinctio: ut illā describit M. Tullius. Et sanè, dicit Lex omne
in cognitionem recti, vel distorti, quod in ipsorum ei-
operationibus, dictis factisque, quibus constat moralis
fabrica. Ac primò quidem, ipse Architectus, aut open-
tius quilibet per Legem, ut per Regulam, agnoscit struc-
turæ suæ rectitudinem aut contrâ depravationem. Si
enim apud se constituerit Ædificium spirituale in ani-
ma erigere, & operi manum adhibuerit, jactoq[ue]
fundat